



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Benedictione Candelarum, & Processione in Festo Purificationis B.
Virginis. XIV.

urn:nbn:de:hbz:466:1-40214

5 Festa Sanctorum Natalitia dicuntur à Tertul. lib. 6. de Coron. milit. quia cælo hinc emigrantes nascuntur, Alcuin. de Diuin Offic. Festa, quia ius in eis fatur, hoc est dicitur, Raban. lib. 2. c. 46. Festiuitates, quasi fasti diuinitatis, quia annuatim illis diebus ius diuinitatis persoluitur, Honor. in Gemma lib. 3. cap. 7. Celebritates, quasi Cælibum, id est castrorum ritus; quia in illis ritus cœlestium tamquam à castris agitur, idem ibidem. Solemnitates, quia fieri solent in anno, Beleth. cap. 3.

6 Porro ex Apostolica traditione manant, ex Baron. anno 58. n. 93. qui citat Clem. lib. 8. Constit. c. 39. & probat, primum Festum S. Stephano dicatum fuisse: neque Martyrum solum, sed etiam Pastorum & Doctorum Festa celebrata dote, ex Gregorio Nysseno Orat. in Laudem Basilij, & ex Nazianz. Orat. in Laudem Athan. Festa tamen Confessorum in Concilio Magniaco statuta sunt, ait Bellarm. lib. 2. de Missa cap. 20. anno 813. ad excitandam, inquit August. lib. 20. contra Faustum cap. 21. imitationem Sanctorum, vel ut meritis eorum consociemur, & orationibus adiuuemur. alias adfert causas Io. Dam. lib. 4. cap. 7. quæ in easdem ferè recidunt.

7 De Festis autem Sanctorum illud posset hoc loco quæri, quando in Missali habuere locum singula Festa, & apud quos, seu à quibus paulatim ad generalem consuetudinem transfere; sed hac de re fuisus & commodiùs in

Commentarijs ad Rubricas Breniarij Romani, vbi etiam de Auctoribus Of- ficiarum cuiusque Missæ agemus.

8 Octauæ Sanctorum fiunt ad pro roganda eorumdem Festa, vt celebriora sint, tum ad compensanda ea quæ in Festis negliguntur, vt ait Radulph. Propos. 19. & quorundam fiunt, vt Octauarum mysteria pateant, non au tem omnium Festorum, ne vilescant, Durand. lib. 7. cap. 1.

9 Mysteria verò sunt; nimirum, quia per Octauas Sanctorum consummatio doctrinæ, ex S. Hilario in Psal. 118. solida eorum virtutis forma; ex Clem. Alex. Strom. 6. aeterna animatum & corporum glorificatio, ex Amb. Enarrat. 2. ad Horontianum, & August. lib. 2. Serm. in monte cap. 3. significantur. quæ fuisus explicatiuus in Praefatione nostra ad Octauarium Romanum, editum & approbatum à sacra Rituum Congreg. die 19. Feb. 1622. à Moysè, Salomone, Apoltolis, & eorum successoribus eas deduximus. Ritum etiam ibidem significauimus, qui partim à Moysè est, vt dies Octaua æquè ac prima colenda sit, Len. 23. partim ex consuetudine antiqua Ecclesiar, quæ intermedios dies celebrat, ac si essent temporis Paschalis, id est cum lætitia, ait Radulph. loco citato.

10 Duo supersunt. Alterū ad Benedictionem candelarum spectat, & Processionē in Festo Purificationis B. Virginis. Alterum, quādo plures Missæ in diebus Sanctorum Festis sint cantādæ.

De Benedictione candelarum, & Processione in Festo Purificationis B. Virginis. XIV,

Purificatio beatæ Virginis dicta est Festum Simeonis, & Annæ, Præsentationis, Occursus, à Græcis, Hy-

pante, seu Hypapante, hoc est, Obviatione, Occursus; & cœpta est coli Constantinopoli sub Iustiniano Imperatore,

N n 3 tore,

tore, ex *Niceph.lib. 17.cap.28.* Roma-
na Ecclesia recepit anno 542. ex *Sige-
berto.* at sub *Gelasio,* ait *Baron.* qui
abstulit Lupercalia circa annum 496.
imò etiam ante: nam habetur in *Co-
mune S. Hieron.* lege *Baron.* anno 554.
certè ante sanctum Gregorium, in cu-
ius quoque *Sacramētario* legitur. Ser-
gius Papa addidit Litanias, ieu Proces-
sionem cum cereis benedictis, ex *Or-
dine Roman.* sed ante Sergium S. Eli-
gio tribuit hunc cereorum ritum *Baron.* in *Martyrolog.* qui obiit circa an-
num 665. ex *Sigeberto;* habuitque de
his cereis benedictis Sermonem. *Beda*

in lib. de Tempor. affert causam: Vice,
ait, lustrationis, quæ in secundo mense
Plutoni fiebat, accenduntur cerei, quasi
lucentes bonorum operum lampades,
vt obuiam Christo cum Virginiis
eamus. aliam habet *Rupert.lib. 3.c.25.*
vt cum Simeone gestemus Christum
velut in vlnis, quem cereus designat
genitus ex ape opere virginali, vñā
cum melle diuinitatis.

2 Nunc Rubricas huius Festi pro-
priæ explanemus. Primo, vestiendum
erit Altare pallio violaceo super al-
bum, ita, vt facilè quoque ante Mis-
sam dimoueri queat.

3 Si hoc Festum a venerit in Dominicis Septuagesima, Sexagesima, vel
Quinquagesima, fit tantum benedictio & distributio candelarum,
& Processio, & Missa dicitur de Dominicâ: b Missa verò Festi
transfertur in sequentem diem. c Finita Tertia, Sacerdos indutus
Pluiali violaceo, vel sine Casula, cum ministris similiter indutis,
procedit ad benedicendum candelas in medio ante Altare, vel d ad
cornu Epistolæ positas, e & ipse ibidem stans versus ad Altare,
f dicit in tono Orationis Missæ Ferialis, Dominus vobiscum.

a Venerit in Dominicis.] Fit asper-
sio aquæ ratione Dominicæ ante bene-
dictionem candelarum, nempe, ante-
quam ascendatur ad Altare.

b Missa verò Festi.] Fit benedi-
ctio cum Processione, dilato Officio
de Festo in sequentem diem, ex De-
creto Clementis VI. nisi Ecclesia di-
cata sit in honorem beata Virginis, de
qua eo casu erit Missa, *Cerim. Episcop.*
lib. 2. cap. 16. cantata altera de Domi-
nica, quæ responderet Officio. Sed ego
censeo, sensum Cærimonialis esse de
Ecclesia sub titulo Purificationis bea-
tæ Virginis: qua ratione, sicuti dicitur
Officium de ea ibidem, ita dici debet
& Missa. Quod si virginas, de quacum-
que Ecclesia B. Virginis intelligi tex-

tum illum, duæ Missæ erunt cantan-
dæ iuxta Rubr. de Translatione Festo-
rum suprà par. 1. tit. 6. pag. 14.

c Finita Tertia.] Ob rationem al-
latam in prima parte Rubric. tit. 15.
num. 2. pag. 49.

d Ad cornu Epistolæ.] Est aptior lo-
cus ad ritū, in *Cerim. Episcop.lib. 2.c.17.*
ibidem etiam patetur vas Aquæ bene-
dictæ, & Thuribulum cum nauicula;
in ipso verò cornu Altaris collocetur
Missale apertum.

e Et ipse.] Osculato priùs Altari in
medio, ex *Ordin. Rom.* Ministri verò
stabunt hinc inde. Si quid omittimus
hoc loco, repete ea quæ diximus in
Dominica Palmarum communia huic
benedictioni & Processioni.

f Di-

f Dicit.] Manibus iunctis. Benedic- conus eleuet fimbriam Pluuiialis ante-
turo Celebranti candelas manu Dia- riorem, vt alias diximus.

4 Finitis Orationibus, Celebrans ponit incensum in thuribulum, deinde ter aspergit candelas Aqua benedicta, dicendo Antiphonam, Asperges me, sine cantu, & sine Psalmo, & ter adolet incenso, tum dignior ex Clero accedit ad Altare, & ab eo Celebrans & accipit candalam non genuflectens, nec osculans manum illius. Postea Celebrans stans in medio ante Altare, versus ad populum distribuit candelas, primum digniori, à quo ipse accepereat, deinde Diacono & Subdiacono paratis, & alijs Clericis singulatim per ordinem, ultimò laicis; omnibus genuflectentibus, candalam & manum Celebrantis osculantibus, exceptis Prælatis, si adsint. Et cum inceperit distribuere candelas, à Choro cantatur Antiphona.

De incenso imponendo, aspersione aquæ, incensatione, & distributione, Ord. Roman. quo autem ritu, vide supra in benedictione Cinerum & Palmarum, est enim eadem ratio.

g Accipit candalam.] Ordo Rom accendi iubet, & distribui. Toleratur tamen alicubi, vt accedatur tantum initio Processionis, ob longiore distributionem, vel tenuitatem candelarum; & ne ob concursum accidat macula ex

fluenti cera supra vestes Celebrantis.

Quo habitu dignior ex Clero accedit, diximus in benedictione Cinerum, & Palmarum; eodemque modo quo palma traditur, tradatur & candela, Ministris, vt ibidem, ministrantibus, tum Prælatis, & Canonicis, qui manum Canonici Celebrantis non osculantur. Antiphona & Canticum repeti possunt usque ad finem distributionis.

§ His expletis, cantatur Antiphona, Exurge Domine, & repetitur, Exurge Domine. Deinde Sacerdos dicit, Oremus, & Diaconus, Fletamus genua. R. Leuate, si tamen^h post Septuagesimam venerit, & non in die Dominica.

h Post Septuagesimam.] Habet Ordo Roman.

i Non in die Dominica.] Quæ resurrectionem Christi designat, & tempus

Paschale, in quo non genuflectimus. Celebrans autem numquam genuflectit, ut in 1. part. Rubr. tit. 17. numero 3. pag. 54.

6 Deinde fit Procesio. Et primò Celebrans imponit incensum in thuribulum: postea Diaconus vertes se ad populum, dicit, Procedamus in pace, & Chorus respondet, In nomine Christi, Amen. Praecedit Thuriferarius cū thuribulo sumigante, deinde Subdiaconus paratus, deferens Crucem, medius inter duos Acolythos cum candelabris accensis, sequitur Clerus

Clerus per ordinem, vltimò Celebrans cum Diacono à sinistris, omnes cum cadelis accensis in manibus: & cantantur¹ Antiphona sequentes.

Eadem omnino sunt obseruanda quæ notauiimus in Processione Palmarum. neque duo Subdiaconi adesse debent, quod aliqui scripsere.

¹ *Antiphona sequentes.]* Habentur

in Ordine Romano, sicut & quinque Orationes pro benedictione. Prima quoque Antiphona cum initio sequentis habetur in Sacramentario Gregoriano.

7. *Finita Procesſione, Celebrans & ministri, depositis violaceis, accipiunt paramenta alba pro Missa: & candelæ tenentur in manibus accense dum legitur Euangeliū, & iterum ad elevationem Sacramenti usque ad Communionem.*

Causæ deduci possunt exdem quæ suprà par. 2. tit. 13. nū. 3. pag. 182. sed à ministris candelæ non tenentur in Missa, à Celebrante ad Euangeliū tantum, ab alijs ad elevationem quoque: stādum tamen erit, etiam cum candelis, post elevationē, non genuflectendum.

8. Si ob pluuiam non itur extra Ecclesiam, fiat idem, quod in simili casu diximus in Procesſione Palmarum.

9. Amouetur pallium violaceum, si Missa dicenda sit de Festo beatæ Virginis, in qua Præfatio erit de Natiuitate Domini, ex Decreto Gelasij, teste Pamphilio tom. 2. Liturg. à qua Natiuitate dies hæc 40. est, & terminus quidam legalis. vnde & Collecta est de Christo præsentato principaliter, de Purificatione accessoriè: purificatis (ait Ecclesia) mentibus præsentari.

10. An verò in Milla de Dom. Septuagesi. sint tenendæ candelæ accensæ ad Euāgeliū, &c. ex verbis Rubricæ,

fit taniū benedictio & distributio candelarum, & Procesſio, & Missa dicitur de Dominica. & infra: Accipiunt paramenta alba pro Missa: & candelæ tenentur in manibus accensæ dum legitur Euangeliū, &c. videtur inferri, candelas accensas teneri in honorem beatæ Virginis, & consequenter in eiusdem tantum Missa. Marcellus in Caramon. Papæ lib. 2. c. 28. meminit earamdem trium, vt fiant. Missa autem, inquit, fit de Dominica: in qua, vt in Diarijs Caramon. Cappellæ legitur, non ardebant candelæ benedictæ: neque Romæ in Ecclesijs Patriarchalibus sancti Petri, sancti Ioannis, sanctæ Mariæ Maioris accenduntur in prædicta Missa. Nota, quod in Cappella Papæ nunc semper accenduntur; quia hodie semper ibi Missa fit de beata Virgine, cuius nomine dicata est Cappella, ex Decreto Clementis VIII. licet occurrat in Septuagesima.

De Festis, in quibus cantandæ sunt duæ Missæ in Ecclesijs Cathedralibus & Collegiatis. X V.

¹ **D**E obligatione cantandi duas Missas in Festis, quæ occurruunt in Ferijs maioribus, extat aperta

Rubrica in prima par. tit. 3. nū. 1. pag. 4. & fusiūs hac de re nos egimus in 3. par. tit. 11. à num. 7. ad 12.

² Hoc